



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՇՎԵՔՆՆԻՉ ՊԱԼԱՏ

Ո Ր Ո Շ ՈՒ Մ

2024 թվականի նոյեմբերի 27-ի թիվ 116 - Լ

**ՀԱՇՎԵՔՆՆԻՉ ՊԱԼԱՏԻ 2024 ԹՎԱԿԱՆԻ ՀՈՒԼԻՍԻ 18-Ի N° 70-Լ ՈՐՈՇՄԱՆ ՄԵՋ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Ղեկավարվելով Աշխատանքային օրենսգրքի 178-րդ հոդվածի 3-րդ մասով, ինչպես նաև «Հաշվեքննիչ պալատի մասին» Հայաստանի Հանրապետության օրենքի 10-րդ հոդվածի 1-ին մասի 11-րդ կետով և «Նորմատիվ իրավական ակտերի մասին» Հայաստանի Հանրապետության օրենքի 33-րդ հոդվածի 1-ին մասի 3-րդ և 4-րդ կետերով, Հաշվեքննիչ պալատը.

Ո Ր Ո Շ ՈՒ Մ Է՝

1. Հաշվեքննիչ պալատի 2024 թվականի հուլիսի 18-ի «Հաշվեքննիչ պալատի աշխատակիցների խրախուսման կարգը սահմանելու և Հաշվեքննիչ պալատի 2019 թվականի մարտի 29-ի թիվ 7/6 որոշումն ուժը կորցրած ճանաչելու մասին» N° 70-Լ որոշման հավելվածում կատարել հետևյալ փոփոխությունները՝

- 1) ուժը կորցրած ճանաչել 9-րդ կետը,
- 2) 12-րդ կետը շարադրել հետևյալ խմբագրությամբ.

«12. Կառուցվածքային ստորաբաժանման ղեկավարը, պարզաատրվող ժամանակահատվածի (բացառությամբ նոյեմբերի և դեկտեմբերի պարզաատրվող ժամանակահատվածի) ավարտից հետո՝ երեք աշխատանքային օրվա ընթացքում, ստորաբաժանման աշխատակիցների կատարողականի գնահատման հիմքով, էլեկտրոնային

փոստի միջոցով Պատասխանատու ստորաբաժանման ղեկավարին է ներկայացնում համապատասխան ստորաբաժանման համակարգողի (առկայության դեպքում) հետ համաձայնեցված պարզևատրման առաջարկ (ցուցակ)՝ ըստ աշխատակիցների տոկոսային հարաբերության: Տվյալ տարվա նոյեմբերի և դեկտեմբերի պարզևատրման համար սույն կետով նախատեսված առաջարկը ներկայացվում է դրա վերաբերյալ համապատասխան հանձնարարականն ստանալուց հետո՝ երկու աշխատանքային օրվա ընթացքում:»:

3) 16-րդ կետը շարադրել հետևյալ խմբագրությամբ.

«16. Իրավական ակտերի ընդունումից հետո, Պատասխանատու ստորաբաժանումը, պարզևատրվող ժամանակահատվածին (բացառությամբ նոյեմբերի և դեկտեմբերի պարզևատրվող ժամանակահատվածի) հաջորդող ամսի 15-ին կամ դրան նախորդած վերջին աշխատանքային օրը կամ որևէ պատճառով այդ ժամկետը լրացած լինելու դեպքում՝ հնարավոր կարճ ժամկետում, օրենսդրությամբ սահմանված կարգով ապահովում է վճարումների կատարումը: Նոյեմբերի և դեկտեմբերի համար պարզևատրումը վճարվում է համապատասխան իրավական ակտի ընդունումից հետո՝ երեք աշխատանքային օրվա ընթացքում:»:

2. Սույն որոշումն ուժի մեջ է մտնում հրապարակմանը հաջորդող օրը:

ՀԱՇՎԵՔՆՆԻՉ ՊԱԼԱՏԻ
ՆԱԽԱԳԱՀ


CSign

ԱՏՈՄ ԶԱՆԶՈՒՂԱԶՅԱՆ